

'Sëédhε 'ö Pᵛlö -ya bᵛ
 Filemᵛ
 -dhë bhë 'ö =nε

¹ 'Sëédhε 'ö =nε ma Pᵛlö 'a -kanso 'gü Klito -wun 'gü, 'ö yië- kwa dheglu Timote 'yi- bᵛ ü -dhë. 'Yië 'we bhi Filemᵛ, 'ü yi yuökëyᵛᵛ -wungbeezë 'ka bhë ü 'ka; ² 'yië 'we yi dheglu 'nëdhe Apia 'ka; 'yië 'we yi yuökëyᵛᵛ Asipö 'ka; 'yië 'we Yesu -wun -dhε 'wun gia- -mε -nu 'saadhö 'ö 'ka -bhᵛ 'kuë- kë -na ka 'ko =bhaa ü -gᵛ kᵛᵛ bhë ka 'ka. ³ Kö kwa Dë -Zlan waa- kwa Dëmε Yesu Klito -wo 'glusë kë ka 'ka -wo ka gbaa =zuöyagluu 'ka.

'Wun 'ö -gban -dhᵛ -kë 'kuë -sü 'ö Filemᵛ -gᵛ waa- -bha -zo -yö -Zlan -bha -sü -bha

⁴ =Ya kë a =bhεa' -na -Zlan -dhë, n -zo -yö -büö ü 'ka -kplawo, 'ö =ya kë 'a- zuö pö ü -wun 'gü. ⁵ 'Ö tᵛᵛ ü -bha -a -dhᵛ -kë -Zlan -bha mε 'kpεkpε 'ka -sü waa- ü -bha -zo -yö kwa Dëmε Yesu -bha -sü bhë, a- -wun -ma. ⁶ Pë 'a- -dhε -Zlan -gᵛ 'ö tᵛᵛ kwa -bha -kë 'ko =bhaa =zuö' do 'ka -sü 'ö kwa =yᵛᵛn -na 'kuë- -zo -yö -Zlan -bha -sü 'gü kwa -bha -klu Klito -bha -sü 'gü bhë, 'iin kö pë -së -nu 'ö kwa -bha 'ka bhë 'kwaan- -an dᵛ. ⁷ N dheglu, ü -bha -a -dhᵛ -kë -Zlan -bha mε -nu 'ka -sü 'ö bhë, -yö n =zuö' 'glu -dhi =duö 'ö n =faan' më, bhii ü Yesu -wun -dhε 'wun gia- -mε -nu =faan' -më.

Pᵛlö -bha =bhεa' - 'ö- wo Filemᵛ -dhë Onezimë -wun 'gü

⁸ -A -wun 'gü, 'kö -kë =nε -potaasü -yö n -gᵛ Klito 'gü kö 'aan- ü -kᵛᵛn, ⁹ a- 'piö =zian' kö -dhᵛ 'ö ü 'gü bhë -a -wun 'gü, pë 'a 'dhoë- -dhε ü -gᵛ =nε 'ü ü 'to kë -a -bha. Ma

Pɔlɔ, 'ma =klöodhɛ 'kun, 'go mü ü -ma =nɛ a -kë -kanso 'gü Yesu Klito -wun 'gü =nɛ -kɔ =nɛ -a 'dhö. ¹⁰ Pë 'a 'dhoë-dhɛ ü -gɔ bhë -yö -gban Onezimë -bha. -Yö n gbö 'ka Klito 'gü, 'ö tɔɔ -ya 'a- wo 'nö -kanso 'gü =nɛ, 'ma kë -a dë 'ka Klito 'gü ('ö tɔɔ ma =nɛ 'a Klito -wun =blɛɛ -a -dhë). ¹¹ 'Dhiö -bezë, -a -yö -a -bha -pë gbɛ yaa kë -dhö ü -gɔ; 'kɛɛ zlöö =nɛ -yö -dho yuö -së kë bhi 'dhö, ma 'dhö, ko -dhë. (=Waa- pö Onezimë -an 'töng bhë -a 'ka kö mɛ bhë =nua -mü. 'Tɔ bhë -a -gɛn tɔɔ mɛ 'ö- -yö -a -bha -pë 'dhö -dhö.)

¹² Yö =nɛ 'a- bɔ -na ü -dhë 'zü =nɛ n -de 'dhö bhë. ¹³ -Yö -kë n 'gü kö -yö 'to n 'piö 'nö, -dhɛ 'a- -bha 'wuntaɔsë -bha -kanso 'gü zö bhë -a -bha ü piën- kö -yaan yuö -nu kë n -dhë. ¹⁴ 'Kɛɛ kë- wo 'dhö bhë 'maa- 'piö kö 'a pë -nu kë kö -yö 'kun -kë ü -we -a -bha -wun 'ka -sü 'ka. A- 'piö =zian' kö bhi gia-, -yö kë ü -de 'gü -wun 'ka kö -yö kë 'wun -së 'ka 'ü- kë n -dhë. 'Maa- 'piö kö -yö kë ü 'gbee- -ta bho -sü 'ka.

¹⁵ -Yö mü kaa- Onezimë ka -kan 'kuë- 'töng kpö 'bhle -bha kö yi mɛ 'ö 'ka dho -kpën -a 'ka ka 'kuë- 'zü, 'kaan- 'to ka 'kuë- -kplawo, ¹⁶ =ya kë 'dhö kö zlöö =nɛ 'yaa =nua 'waa 'ka gbɔ; 'kɛɛ =ya kë kwa dheglu 'ö- -wun 'dhö kwa -gɔ 'gbee- -a 'ka. -A -wun -yö n -gɔ 'gbee-; 'kɛɛ -a -wun -kë 'gbee- ü -gɔ -sü bhë -yö -mɔa kö -yö ziö n -ma -ta, 'ö bhii kö =ya kë ü -gɔ =nɛ ü -bha yuökëmɛ 'ö 'go mü 'ö ü dheglu 'ka kwa Dëmɛ 'gü -a 'dhö.

¹⁷ 'Ö =ya kë =nɛ ü n -sü =nɛ ü 'bhame 'dhö, kö -bhö ü -kɔ 'kpɔ -a -gɔ =nɛ -kɔ 'ü dhö n -nia kuën bhë -a 'dhö. ¹⁸ 'Ö =ya kë =nɛ =ya 'wun yaa kë ü 'ka 'iin 'ö ü -bha 'pë 'dhö -a -bha, -a 'plɛ dɔ n tuö. ¹⁹ -Wo kpö mɛ 'ö =nɛ, ma Pɔlɔ giagia, n -kɔ pin -mü; a- -pö -kë =nɛ ü -bha 'pë -nu -wo Onezimë -bha, a -dho -an 'plɛ bho. ('Kɛɛ kë- wo 'dhö bhë, ü -bha -tosiadhe bhë, -a -wun -bha -tën n -ma -sü 'ö bhë, n 'ka dho -a -wun =luu'-.) ²⁰ N dheglu, a -bhɛa ü -dhë,

-bhö 'we -a -bha kwa Dëmɛ -dhɔ =kaa' 'tɔ 'gü n -gɔ; -bhö n =zuö' 'dho sia- =nɛ -kɔ 'ö dheglu 'ö Klito 'gü 'ö dhoë- kaa -a 'dhö.

²¹ -A -de, -ya -de 'a- wo =nɛ, 'sëédhɛ 'a- bɔ -na ü -dhë pë -dhɛ ü -gɔ -sü 'ka =nɛ, ü -dho -a 'gü -pë kë. -Yö n 'yaan 'ka =nɛ ü -dho -a kë -dewo 'ö =zië' mü. ²² 'Go mü 'zü, -bhö ma wɔdhɛ do -pë kë 'ö tɔɔ -yö n -zo 'piö =nɛ -Zlan -dho we ka -bha =bhɛa' -wo -bha kö 'aan- 'go -kanso 'gü, 'aan- nu ka 'piö 'ma.

=Wekadhe -kaanta

²³ Epaflasö 'ö yi -nu 'yi -kanso 'kɔɔdhö Yesu Klito -wun 'gü 'nö bhë =ya 'we ü 'ka. ²⁴ Maakö 'dhö, Alitaakö 'dhö, Demasö waa- Lukö -nu 'wo ma yuökëyɔɔ -nu 'ka bhë, =wa 'we ü 'ka.

²⁵ Kö kwa Dëmɛ Yesu Klito -yö 'dhuë- 'kpɔ ka -bha!

'WUN SĚ -NAŌ 'SĚĚDHĚ

Dan: 'WUN SĚ -NAŌ 'SĚĚDHĚ New Testament

copyright © 1991 Wycliffe Bible Translators, Inc.

Language: Dan

Dialect: Western

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 14 Jun 2022 from source files dated 1 Jun 2022

74f67de7-5f93-5988-92e9-b1a45247636e